



REPUBLIKA E SHQIPËRISË

PROKURORIA PRANË GJYKATËS SË SHKALLËS SË PARË TË JURIDIKSIONIT TË  
PËRGJITHSHËM ELBASAN

Nr. 7817 Prot.

Datë 31.07.2023

**URDHËR**

**Nr. 56, datë 31.07.2023**

**PËR MIRATIMIN E PLANIT TË VEPRIMIT PËR MASAT ADMINISTRATIVE DHE  
PROCEDURALE NË PROKURORINË PRANË GJYKATËS SË SHKALLËS SË PARË  
TË JURIDIKSIONIT TË PËRGJITHSHËM ELBASAN PËR ZBATIMIN E  
REZOLUTËS SË  
KUVENDIT DATË 06.07.2023 "PËR VLERËSIMIN E VEPRIMTARISË  
SË PROKURORISË PËR VITIN 2022"**

Në mbështetje të Kushtetutës së Republikës së Shqipërisë, neneve 21 dhe 42, shkronja "a" të ligjit nr.97/2016 "Për organizimin dhe funksionimin e Prokurorisë në Republikën e Shqipërisë", ligjit nr.7905, dt.21.03.1995 "Kodi i Procedurës Penale", i ndryshuar, ligjit nr.7895, dt.27.01.1995 "Kodi Penal", i ndryshuar, ligjit nr.96/2016 "Për statusin e gjyqtarëve dhe prokurorëve në RSH", Rezolutës së dt.06.07.2023 të Kuvendit të Republikës së Shqipërisë "Për vlerësimin e veprimtarisë së Prokurorisë për vitin 2022", si dhe Urdhërit nr.103, dt. 25.07.2023 "Për zbatimin e rezolutës së Kuvendit datë 06.07.2023 "Për vlerësimin e veprimtarisë së prokurorisë për vitin 2022" të Prokurorit të Përgjithshëm:

**URDHËROJ:**

1.Miratimin e Planit të Veprimit në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, për zbatimin e kërkesave të

Rezolutës së Kuvendit të Shqipërisë datë 06.07.2023 “Për vlerësimin e veprimtarisë së prokurorisë për vitin 2022”, sipas tekstit bashkëlidhur.

2. Për zbatimin e masave të Planit të Veprimit ngarkohen Drejtuesit e Seksioneve, prokurorët dhe oficerët e policisë gjyqësore të të gjitha strukturave, Kancelarja, si dhe nëpunësit e prokurorisë në të gjithë nivelet.

3. Në ecurinë e zbatimit të masave të këtij plani veprimi, Drejtuesit e Seksioneve të Prokurorisë shqyrtojnë dhe kujdesen:

- të ndjekin, koordinojnë dhe monitorojnë në vazhdimësi zbatimin e masave në përputhje me afatet e përcaktuara në planin e veprimit;
- të raportojnë për statusin e masave sipas fushës së përgjegjësisë së strukture që drejtojnë;
- të ndërhyjnë dhe koordinojnë veprimet kur masat rezultojnë të pazbatuara;
- t'i raportojnë Drejtuesit të Prokurorisë me shkrim, çdo muaj, për realizimin e masave dhe/ose aktivitetëve.

4. Me kërkesë të drejtuesve të seksioneve, ose kryesisht, Drejtuesi i Prokurorisë mund të thërrasë mbledhje të drejtuesve apo prokurorëve të prokurorisë për të vlerësuar ecurinë e zbatimit të masave të këtij plani veprimi.

5. Drejtuesi i Prokurorisë, periodikisht çdo 3 (tre) muaj, dhe sa herë kërkohet, si dhe nëpërmjet raportit vjetor mbi ecurinë e punës së prokurorisë, informon Prokurorin e Përgjithshëm, për masat administrative dhe procedurale të marra për zbatimin e kërkesave të rezolutës së Kuvendit, të shoqëruar me tregues statistikorë të saktë dhe analitik dhe me shpjegime të qarta mbi angazhimet, arritjet e problematikat, si dhe me vlerësimin si ka ndikuar zbatimi i kërkesave të rezolutës mbi gjendjen e kriminalitetit dhe performancën e prokurorisë.

6. Me këtë urdhër të njihen prokurorët, oficerët e policisë gjyqësore të seksionit dhe strukturave hetimore në shërbimet e policisë gjyqësore, si dhe nëpunësit e prokurorisë në të gjithë nivelet.


7. Një kopje e këtij urdhëri i'u komunikohet nëpërmjet postës elektronike zyrtare @pp.gov.al.

8. Një kopje e këtij urdhëri i dërgohet Prokurorisë së Përgjithshme për njohje.

9. Ky urdhër hyn në fuqi menjëherë.

**DREJTUESI I PROKURORISË**

**Kreshnik AJAZI**





REPUBLIKA E SHQIPËRISË

**PROKURORIA PRANË GJYKATËS SË SHKALLËS SË PARË TË JURIDIKSIONIT TË PËRGJITHSHËM ELBASAN**

**PLAN VEPRIMI**

**(Për masat administrative dhe procedurale në Prokurorinë pranë Gjykatës së Shkallës së Parë të Juridiksionit të Përgjithshëm Elbasan për zbatimin e rezolutës së Kuvendit datë 06.07.2023 “Për vlerësimin e veprimtarisë së prokurorisë për vitin 2022”)**

Me qëllim për të unifikuar ndjekjen dhe zbatimin e rezolutës së Kuvendit datë 06.07.2023 “Për vlerësimin e veprimtarisë së prokurorisë për vitin 2022” në luftën kundër kriminalitetit për vitin 2023 në kompetencë lëndore të Prokurorisë pranë Gjykatës së Shkallës së Parë të Juridiksionit të Përgjithshëm Elbasan me objektiv përcaktimin e masave administrative dhe procedurale që duhet të merren për realizimin e përparësive që sigurojnë zbatimin hartohet ky plan veprimi, me objektiva dhe afate të qarta :

1. Të merren masa për rritjen e rolit aktiv të prokurorit në hetimin paraprak, në funksion të shtimit të hetimeve të filluara kryesisht nga vetë organi i prokurorisë, duke i'u kërkuar prokurorëve që në rastet që ata mund të marrin dijeni nga media apo informacionet që ata mund të administrojnë për shkak të funksionit, të tregohen sa më aktivë për fillimin kryesisht të hetimeve. Afati : brenda 3 muajve.
2. Të zhvillohen aktivitete të përbashkëta trajnuese me institucione/agjenci ligjzbatuese të perfshira, mbi gjurmimin, hetimin, ndjekjen penale dhe gjykimin e veprave penale të pastrimit të parave në bashkëpunim me projektet/misionet ndërkombetare që asistojnë sistemin e drejtësisë penale. Afati : në vijim.

3. Të forcohen kapacitetet institucionale për rritjen e efikasitetit në veprimtarinë administrative të prokurorisë dhe të veprimtarisë së prokurorëve dhe Policisë Gjyqësore në ushtrimin e funksioneve të tyre, për të shmangur efektet e krijuara nga ulja e numrit të prokurorëve për shkak të procesit të rivlerësimit kalimtar, duke bashkërenduar dhe koordinuar përpjekjet me Këshillin e Lartë të Prokurorisë (KLP) për të planifikuar në kohë zëvendësimin e prokurorëve të shkarkuar nga detyra me magjistrat/prokuror sipas rregullave të përcaktuara në ligj, si dhe të kërkohet pranë Prokurorisë së Përgjithshme rritja e numrit të punonjësve të administratës sipas rregullave të përcaktuara në ligj. Afati : Në vijim.

4. Drejtuesi i Prokurorisë të nxjerrë udhëzime jo të detyrueshme për çështje konkrete, duke u fokusuar kryesisht në procedimet penale që kanë të bëjnë me veprat penale prioritare të rekomanduara apo edhe me subjektet e rekomanduara, me qëllim dhënien përparësi hetimeve diligjente dhe pro-aktive për këto procedime penale. Afati : në vijim.

5. Deri në nxjerrjen e një udhëzimi të përgjithshëm nga Prokurori i Përgjithshëm për përcaktimin e normës/volumit orientues të punës në prokurori, duke pasur parasysh të dhënat e administruara në "Regjistrin e Njoftimit të Veprave Penale", ngarkesën e punës në prokurori, mirëfunksionimin e punës në prokurori dhe shpërndatjen e drejtë të çështjeve, mbi bazën e kriterëve transparente, numrin dhe specializimin e prokurorëve, përhapjen dhe kategorinë e veprave penale në territorin në juridiksion të Prokurorisë pranë Gjykatës së Shkallës së Parë të Juridiksionit të Përgjithshëm Elbasan, nevojën për konsolidimin e politikës penale, si dhe organikën aktuale dhe faktike të prokurorisë, në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, brenda muajit janar 2024 të bëhet një riorganizim i ri i seksioneve të prokurorisë. Afati : brenda muajit janar 2024.

6. Të evidentohen shqetësimet dhe vështirësitë që hasin prokurorët dhe/ose oficerët e Policisë Gjyqësore të kësaj prokurorie lidhur me kuptimin dhe zbatimin e dispozitave të reja të ligjit penal e procedural penal, metodikat/protokollet e hetimit për vepra ose grupvepra penale dhe më pas të organizohen trajnime të oficerëve të Policisë Gjyqësore dhe prokurorëve duke ia paraqitur këto shqetësime

Prokurorisë së Përgjithshme dhe Shkollës së Magjistraturës për të mundësuar trajtimin e tyre në programet e trajnimeve vazhduese. Afati : brenda muajit shtator.

7. Të kërkohet rritja e trajnimeve në lidhje me ndjekjen penale ndaj grupveprave të trafikimit dhe shfrytëzimit të qenieve njerëzore, si dhe për mbrojtjen e viktimave dhe në veçanti gratë dhe fëmijët. Afati : në vijim.

8. Të kërkohet nga Komisioni i Policisë Gjyqësore menaxhimi mbi baza ligjore dhe profesionale i karrierrës së policisë gjyqësore pasi konstatohen gjatë vitit 2022-2023 lëvizje të shumta, të pa arsytura, të pa argumentuara, jo të studiuara dhe jo sistematike të oficerëve të policisë gjyqësore të seksionit duke krijuar pengesa, vështirësi dhe kaos në veprimtarinë e prokurorisë. Afati : në vijim.

9. Të identifikohen problemet dhe të merren masa konkrete për përmirësimin e sistemit të menaxhimit të çështjeve (CAMS), PRESTO dhe sistemit SVHOPGJP, duke bashkëpunuar ngushtë me Drejtorinë e IT-së dhe Drejtorinë Ekonomike dhe Financës në Prokurorinë e Përgjithshme. Të nxiten oficerët dhe prokurorët në përdorimin dhe funksionimin e sistemeve si dhe të kontrollohen me qëllim nxjerrjen e përgjegjësive sipas ligjit. Afati : në vijim.

10. Nga prokurorët e kësaj prokurorie të rritet numri i referimeve për procedime disiplinore mbi oficerët e policisë gjyqësore, të seksionit ose shërbimeve, të cilët konstatohen që me veprimet ose mosveprimet e tyre sjellin pasoja mbi procedimet penale që kanë në ndjekje. Afati : në vijim.

11. Prokurorët e kësaj prokurorie të jenë aktivë dhe aplikimin e masave të sigurisë me natyrë ndaluese mbi personat zyrtarë publik mbi të cilët ka dyshime për kundërligjshmëri në kryerjen e detyrave të tyre. Afati : në vijim.

12. Drejtuesi i Prokurorisë dhe prokurorët e kësaj prokurorie kujdesen për të garantuar pavarësinë dhe përgjegjshmërinë e prokurorëve, forcimin e bashkëpunimit ndërinstytucional, për të siguruar respektimin e të drejtave të njeriut në proces penal si dhe për të ndërtuar një ndjekje penale efektive ndaj

krimit të organizuar, korrupsionit si dhe ndaj veprave penale dhe subjekteve prioritare të rekomanduara. Afati : në vijim.

13. Prokurorët e kësaj prokurorie vlerësojnë marrjen e masave të nevojshme procedurale për të siguruar rritjen e gjykimeve të posaçme, të tilla si gjykimet me marrëveshje dhe aplikimin e urdhërave penale si dhe të gjykimeve të drejtpërdrejta. Afati : në vijim.

14. Prokurorët e kësaj prokurorie vlerësojnë rritjen në aplikimin e masave të shmangies nga përgjegjësia penale për të miturit në konflikt me ligjin si dhe të masave alternative të dënimit penal me burg. Afati : në vijim.

15. Prokurorët e kësaj prokurorie vlerësojnë ashpërsimin e politikës penale përsa i takon masave të sigurimit personal dhe llojeve dhe masave të dënimit ndaj të pandehurve për vepra penale të kultivimit të narkotikëve, dhuna në familje, dhuna me bazë gjinore, krimeve kibernetike, krimet seksuale, krimet e rënda, trafiket e paligjshme dhe veprat e tjera penale të rekomanduara. Afati : në vijim.

16. Prokurorët e kësaj prokurorie vlerësojnë aplikimin e masave ndaj pasurisë me burim kriminal sipas kriterëve të K.Pr.Penale dhe ligjit nr.10192/2009 si dhe rrisin kujdesin e nevojshëm për ndjekje penale efektive të rasteve të pastrimit të produkteve të veprës penale. Të realizohen të paktën 2 sekuestime asetesh me prejardhje të dyshuar kriminale. Afati : brenda muajit dhjetor 2022.

17. Drejtuesi i Prokurorisë dhe prokurorët e kësaj prokurorie marrin masat e nevojshme për të forcuar kontrollin dhe drejtimin ndaj policisë gjyqësore në hetimin e çështjeve penale si dhe për nxjerrjen e përgjegjësive për oficerët e policisë gjyqësore që me veprimtarinë e tyre sjellin pasoja në ndjekjen penale. Afati : në vijim.

18. Drejtuesi i Prokurorisë dhe Drejtuesit e Seksioneve merr masat e nevojshme për të koordinuar punën hetimore me institucionet e tjera që kanë në varësi struktura që ushtrojnë atributet e policisë gjyqësore, veçanërisht me policinë e shtetit, strukturat e hetimit tatimor, doganor etj. Afati : në vijim.

19. Drejtuesi i Prokurorisë vlerëson ngritjen dhe krijimin e grupeve hetimore për çështje penale dhe hetimeve komplekse. Afati : në vijim.

20. Prokurorët e kësaj prokurorie ndjekin me diligjencë dhe në afat plotësimin e kërkesave nga autoritetet e huaja për ndihmë juridike në fushën penale. Afati : në vijim.

21. Drejtuesi i Prokurorisë merr masat e nevojshme administrative për rritjen e transparencës dhe llogaridhënies në veprimtarinë e Prokurorisë pranë Gjykatës së Shkallës së Parë të Juridiksionit të Përgjithshëm Elbasan. Afati : në vijim.

22. Prokurorët e kësaj prokurorie vlerësojnë ndjekjen me diligjencë dhe përparësi, kur është rasti edhe me metoda speciale hetimi dhe në bashkëpunim të ngushtë me policinë e shtetit, procedimet penale për vepra penale të kultivimit të narkotikëve, krimet e rënda, trafiqet e paligjshme, dhuna në familje, dhuna me bazë gjinore, krimet seksuale dhe veprat e tjera penale të rekomanduara. Afati : në vijim.

23. Prokurorët e kësaj prokurorie vlerësojnë aplikimin, në rastet e procedimeve penale ndaj vepra penale prioritare të rekomanduara, të metodave speciale të hetimit dhe mjeteve për kërkimin e provës të tilla si përgjime të telekomunikimeve, përgjime dhe vëzhgime ambjentale në vende private dhe publike, veprime simuluese, lidhjen e marrëveshjes së bashkëpunimit me bashkëpunëtorin e drejtësisë, kontrollet e vendeve, sekuestrimet e të dhënave bankare, elektronike etj. Afati : në vijim dhe dinamikë.

24. Prokurorët e kësaj prokurorie ndjekin aktivisht zbatimin nga policia gjyqësore të udhëzimeve të përgjithshme nr.5/2018, 3/2019, 10/2020, 17/2020, 9/2021, 2/2023 e vijues, si pjesë e mekanizmit për rritjen e përgjegjshmërisë dhe llogaridhënies nga oficerët e policisë gjyqësore. Afati : në vijim.

25. Prokurorët e kësaj prokurorie, oficerët e policisë gjyqësore dhe koordinatorët për subjektet me status të posaçëm zbatojnë në mënyrë rigoroze detyrimet ligjore dhe nënligjore për asistencën ndaj të miturve në konflikt me ligjin, viktima ose

dëshmitarë si dhe në rastet e veprave penale të dhunës në familje apo të dhunës me bazë gjinore. Afati : në vijim.

26. Drejtuesi i Prokurorisë, prokurorët e Seksionit nr.3, oficerët e policisë gjyqësore dhe koordinatorët për subjektet me status të posaçëm vijojnë të zbatojnë marëveshjet e bashkëpunimit me Forumin e Gruas Elbasan, Shoqatën TjetërVizion, Ndihma e Walheim për Shqipërinë dhe subjekte të tjera të shoqërisë civile sipas objektit të marëveshjeve përkatëse në fokus të miturit, dhunën në familje, rehabilitimin e viktimave dhe autorëve të dhunës në familje etj. Afati : në vijim.

27. Drejtuesi i Prokurorisë, prokurorët, oficerët e policisë gjyqësore dhe koordinatorët për subjektet me status të posaçëm vijojnë të zbatojnë marëveshjet e bashkëpunimit me Bashkitë Elbasan, Cërrik, Gramsh, Librazhd, Peqin, Belsh dhe Prrenjas sipas marëveshjeve të bashkëpunimit për veprimin e Njesisë për Mbrojtjen e Fëmijëve dhe Koordinatorët për Dhunën me qëllim garantimin e ndihmës ligjore, psikologjike dhe sociale për të miturit në konflikt me ligjin, viktima ose dëshmitarë si dhe dhunuesit dhe viktimat e dhunës në familje. Afati : në vijim.

28. Drejtuesi i Prokurorisë, prokurorët, oficerët e policisë gjyqësore dhe koordinatorët për subjektet me status të posaçëm vijojnë të zbatojnë marëveshjet e bashkëpunimit me Dhomën Kombëtare të Ndërmjetësimit dhe Universitetin "Aleksandër Xhuvani" në Elbasan sipas marëveshjeve përkatëse të bashkëpunimit. Afati : në vijim.

29. Drejtuesi i Prokurorisë vijon të angazhohet aktivisht në veprimtaritë në kuadër të Këshillit Vendor të Sigurisë Publike, Trekëndëshit të Sigurisë, Mekanizimit Referues të Dhunës në Familje, me qëllim zhvillimin e mbledhjeve ndëraktoriale periodike dhe të forumeve të llogaridhënies publike në funksion të përmirësimit të veprimtarisë së organit të prokurorisë, rritjes së besimit të publikut, forcimit të përgjegjshmërisë dhe krijimin e një klime ndërveprimi me të gjithë aktorët dhe faktorët lokal, publik dhe privat. Afati : në vijim.



30. Drejtuesi i Prokurorisë, prokurorët, oficerët e policisë gjyqësore dhe koordinatorët për subjektet me status të posaçëm vijojnë të zhvillojnë takime periodike me stafet pedagogjike, të rinjtë në shkolla, oficerët e sigurisë, punonjësit social në shkolla si dhe me OJF në kuadër të rritjes së ndërgjegjësimit të të rinjve për raportimin e krimit si dhe për forcim të bashkëpunimit në kuadër të plotësimit të detyrimeve për parandalimin dhe ndërveprimin në rastet e kriminalitetit të të rinjve. Afati : në vijim.

31. Prokurorët e kësaj prokurorie nxitren të përdorin maksimalisht të dhënat elektronike të garantuara dhe siguruara nga sistemet elektronike në të cilat kanë akses si e-albania, regjistri notarial, regjistri i pasurive të paluajtshme, të dhënat e gjendjes civile, të dhënat tatimore, sistemin TIMS, të dhënat e gjendjes gjyqësore etj duke garantuar përdorimin e tyre vetëm konform ligjit dhe për qëllime të ndjekjes penale. Afati : në vijim.

32. Drejtuesi i Prokurorisë vijon bashkëpunimin me ILD për kryerjen e inspektimeve tematike dhe të atyre për shkelje individuale të magjistratëve. Afati : në vijim.

33. Drejtuesi i Prokurorisë vijon bashkëpunimin me KLP për plotësimin e vakancave në organikën e prokurorëve si dhe kërkon nga PP forcimin e kapaciteteve administrative të burimeve njerëzore të nëpunësve publik dhe administrative të prokurorisë. Afati : në vijim.

34. Drejtuesi i Prokurorisë vijon kërkesat drejtuar PP mbi arsyet e shkurtimit të numrit të prokurorëve gjatë vitit 2023 nga 25 në 20 të tillë dhe vijon me kërkesën për ri përcaktimin e numrit prej 25 prokurorësh në këtë prokurori. Afati : në vijim.

35. Drejtuesi i Prokurorisë vijon të kërkojë nga PP plotësimin e kushteve minimale të punës përsa i takon infrastrukturës në drejtim të investimit për një pajisje të re kondicionimi në godinën e prokurorisë si dhe për investime të tjera në arkivë, në sigurinë fizike të institucionit etj. Afati : në vijim.